

增修冠縣志叙

聖人云無徵不信不信民勿從
信何文獻也徵者何志也無志
則無徵無則文獻不足信矣考
冠氏自談錢虞毛諸大令以至
邑候靈石梁公並自冠擢任廉
訪之李復齋先生凡五修而志
始備今又越數十年矣其中兵
燹兩遭以一炬災禍及黎棗舊
者蕩然新者更茫然矣舉凡忠
臣義士孝子節婦之凜若冰霜
昭如日月者咸不得記嗚呼此

豈天之不欲明德報功闡幽揭
隱乎亦人之不知自振耳余蒞
冠十年每詣鄉曲與縉紳士庶
晉接間靡不旁求博採以廣見
聞凡一士一行之可風者每嘆
息云冠氏而無是人也則己冠

二

氏而有是人也豈可屏之棄之
而不羅而致之以為邦家光耶
倘再所聞不輯則沒世無稱誰
之咎歟清夜捫思能無自愧因
向邑紳趙家索得舊志一冊
自咸豐甲寅髮逆之變傅公

雪樵闔門殉節起以至今日上
下二十餘年之瞭如指掌者一
一記之與舊志一并付剞劂序
事者為王崑崖陳書五廣文趙
香池茂才暨採訪之紳士張鴻
漸孫紹曹等皇皇為惕惕焉終
日講求悉心探討歲一周而稿
始定復延秀水盛平之孝廉昭
文曹蘊琛太令並郟城孝廉孫
幼青暨葉甥槐生詳加校正釐
剔蒐羅以臻一時之盛入此志
者存固奮興歿亦慰藉矣若謂

訪失舊聞網羅殆盡余固不敢
信然能實事求是大書特書較
之稗野所傳似為有據其有關
於在道人心文學政治者豈淺
鮮者王魯之先輩序中云百十
年後不有君子安知有者之不

同

復即於無乎斯言也所望於後
者深矣今則自李復齋廉訪續
志以計垂六十年適余宰是邑
而亟欲成之或亦氣運一周得
區區之願噫自無為有是其時
哉是其時哉然非諸紳士交相

輔佐又得趙生之克繼其祖若
父焉烏得有條不紊若是哉倘
後之君子退食之暇念茲在茲
使文獻之永徵無遺憾是余之幸
歟抑邑之幸歟亦後先濟美之
一節耳

五

光緒庚辰仲冬錢塘韓光鼎序

冠縣志序

余承乏冠氏二載考縣志漫漶不可讀因
遍訪諸紳耆家得新舊志若干冊亦殘缺
難以遽理適奉憲檄赴膠西因封手題之
以俟代者閱六年晉蕃梁大令永康蒞任
大令恂愔無華有漢吏風生平無他嗜好
惟講求公事如飢渴之於食飲其治冠規

一

模略仿於余而材力過余甚遠在冠三年
興養立教井井有條中間若詳豁沙壓地
畝建立清泉書屋皆與籌商指畫悉底厥
成今年春余論及冠氏縣志之缺太令又
已修有成帙出而請正余取而閱之其規
條雖不外舊志而舊志所不應有而有者
悉刪之所應有而未有者悉補之體裁正

大而考據精覈真冠氏良史也大令復約
秋初來省面商未信者數條不意未及期
而大令忽病不起余重懼冠氏徵文考獻
之書既成而復散佚而大令數年精力瘁
於是書未得親見其成為可惜也爰再為
閱正付梓以完大令之志並使太令之有
功於冠氏者永垂不朽云

二

道光十年秋七月山東按察使滇巨橋李

文耕譔

余忝陳東臬愧謏陋無以為報稱惟
恒思作勵寅恭勉期循卓廢藉以一
二寔過如梁大令者指不多屈也乃
竟以一邑宰終即其設施於冠氏者
亦未竟所為因叙冠志不禁長太息

蓋不止為梁人令一人情也

後蕭文瑒

重修冠縣志序

冠志之闕略非一日矣東漢末劉叔林以忠諫著元魏而降路氏最顯唐路安期父子濟美元初元遺山輩英賢流寓皆略而不載蓋明以前無志也嘉靖間邑令姚公本乃草創之而其書不傳萬曆己酉談公自省始有成書我

四

朝康熙庚申錢公霰復增益之一邑之文獻賴以不墜厥後虞公際昌毛公覲文雖稍有修輯不過誌其興工記事之文而於政治人物諸大端則語焉不詳也迄今百五十餘年天道變於上人事更於下歲時之贏歎政事之興除以及官師之遺愛閭閻之潛德其湮沒者何可勝道丁亥夏由

清澤調蒞是邦檢閱舊刻復失三分之一
於此而欲徵文考獻修廢舉墜烏得不以
志為先務哉顧簿書鞅掌匆匆未果邑紳
趙君錫書由元謀令歸老於家己丑冬出
所藏談錢二志以示余爰就而咨訪軼事
蒐討遺文適其仲嗣汝誠設帳署中庚寅
春復延聊城葉子錫麟於館同任分校靡

五

不樂襄其事余退食之暇與君參互考訂
正其綱疏其目舊者補之新者續之凡五
閱月增十之六七稿既出請正於廉訪李
復齋先生以先生前宰冠時欲修志而未
遑也猥蒙許可新志於是乎成夫古人者
今人之鑑也前事者後事之師也余承乏
三載政化未行媿無以為志乘光竊閱是

志者觀地輿以厚風俗觀建置以慎封圻
觀食饋而勤農功觀學校而端士習觀典
禮而知神人之宜和觀選舉而知名實之
宜副觀職官而吏勉循良民思忠敬也觀
人物而士先德行女慕貞潔也觀藝文而
不詭於正學觀雜錄而不惑於邪說也是
則冠人士所當共勉而亦余修志之願也

六

夫至若兼三長而備五難則余與二君均
謝不敏矣修飾潤色是有俟於後之博雅
者是為序

時

道光庚寅五月下浣知冠縣事靈石梁永

康壽菴氏謹識

重修冠縣志敘

昔孔子惜杞宋之無徵而歎息於文獻之不足文存獻者也獻存文者也志之興也其於史漢乎志也者文史上之支也郡縣義不得作史然莫不有志志也而上自天地下訖民物中自歷代興衰沿革之故與夫賢人君子道德文章之盛忠臣孝子匹

七

夫匹婦之奇節庸行莫不咸載則志也而史備矣不綦重歟庚寅秋余奉檄攝冠事走辭於泰使復齋先生先生出一編授余曰此冠志也昔余欲修之而不果更數年得梁君成之方寄示余而梁公遽謝世今以付子余謹受書進冠士人而問志事則冠故無志也有之自前明鄉大夫杜趙

二公與邑宰談公始故謂之談志我
朝康熙間錢虞諸君相繼修輯雍正而後
未聞嗣音蓋缺如者百餘年矣冠於是復
無志復齋先生以道光元年宰冠訪求殘
帙修輯之志甚銳尋擢去未及也後數歲
荒吏民咸不暇又數年民氣稍復而前尹
晉蕃梁君適重修舉百廢始議增輯與採
訪者十有六人蓋梁君實主之而邑紳趙
酉樵喬梓與聊城葉君雲台皆博學工文
會稽陳君小賓復曉暢吏事相與搜羅潤
色闡幽發明薈萃成編燦然略備而冠於
是復有志焉然方梁君之甫脫稿未及梓
而殂冠之人咸嘆息以為甫有者之將寢
為無也及余至問修志事亟謀剞劂乃邑

然喜虞民趙孝廉復董其事招集舊侶雲
台聞之亦欣然自聊未會更加審定籌營
付梓凡兩月書成而余未嘗有力焉冠於
是乎信有志矣此固復齋廉使十餘年來
之所目營足企遙聞而一快冠人士之所
日夕引領而幸底於成而晉蕃梁君與談
錢諸公不朽之魄所為先後經營而欣慰

九

於地下者乎惟然有亦安足深恃夫冠故
無志非無志也先曾有而後乃無也談杜
作則自無而之有錢虞沒則自有而之無
今幸有廉使唱之於上梁君應之於下又
有趙氏父子之賢葉陳諸公賓友之勝復
自無而之有矣然猶歷十數年而後成自
今以往更數十百年不君子安知有者之

不復即於無乎是所望於後賢也夫噫天
下古今成敗之數生人興替之端胥由是
矣豈獨一志也夫

道光十年冬十有二月知縣事大竹王懷

曾魯之氏謹題

冠縣志序

邑志之缺略久矣余少壯時頗客於遠雖
有志未遑也老而游滇仕三年解組間取
舊本觀之較前殘闕益甚歲庚辰今廉使
李復齋先生來宰是邑憫舊志之蕪而久
無續增也欲皆余共為考訂乃未幾而擢
膠牧以去嗣宰邑者為山右梁壽菴先生

上

蒞任三年而有事於志乘搜闕遺勤採訪
參稽羣籍斲成完書延余至署詳加核定
余惟邑之有志即郡志省志一統志之稿
本也上職其要下職其詳各為義例不相
兼也今草創雖就而容有缺佚且去取詳
略宜歸畫一方欲與先生逐條酌議而先
生遽以疾終於郡城先是清稿已送廉使

著復齋先生亟稱之遽欲就省付梓余以
工費宜出色人因與同志者商所以剗剗
會西蜀王魯之先生來攝邑篆惜其將敗
於垂成也爰命鳩工凡五閱月而竣事吁
此可以見歲事之難矣余自少壯即志於
此今且八十有五歲十年前與復齋先生
商之三年前與壽庵先生道之越兩載始
克纂定之而後卒賴魯之先生刊成之例
廣事增斐然就理而典故之賴以維繫與
士女之賴以闡揚者皆於是焉託豈直有
光於前人已哉惟是復齋先生移節黔中
以是書為念壽庵先生構將西旋其家人
亦快于先覩故刊稍刻急恐不免焉亥豕
之訛然竊謂天下患無其基耳今既克歲